




魯迅日記

上 卷

人民文学出版社

一九六一年·北京



出版說明

《魯迅日記》是作者從一九一二年五月五日最初來到北京之日起，至一九三六年十月十八日（逝世於上海的前一日）為止的二十五年間的日記。在作者的生前沒有出版過，一九五一年上海出版公司曾經根據手稿影印了三千零五十部；這次出版的《魯迅日記》即係按照上海出版公司的影印本排印。其中一九二二年的部分，原稿已經散失；現根據許壽裳手抄的片斷，補印進去。以供研究者的參考。

《魯迅日記》的原稿，每年各自獨立成冊，現在，為裝訂的方便起見，大體上按照篇幅的多少，分為上下兩卷：上卷，從一九一二年起到一九二五年止，即《日記》原稿的第一本到第十三本；下卷，從一九二六年起到一九三六年止，即《日記》原稿的第十四本到第二十四本。

《魯迅日記》的原稿，本來沒有標點符號，書中的標點符號是在這次出版時編者所加的；如有錯誤或不妥之處，請讀者予以指正。

人民文學出版社編輯部

一九五八年三月

目 錄

壬子日記（一九一二年）	1
附書帳三頁	
癸丑日記（一九一三年）	39
附書帳三頁	
甲寅日記（一九一四年）	91
附書帳四頁	
乙卯日記（一九一五年）	143
附書帳五頁	
丙辰日記（一九一六年）	199
附書帳八頁	
丁巳日記（一九一七年）	259
附書帳四頁	
戊午日記（一九一八年）	301
附書帳四頁	
己未日記（一九一九年）	343
附書帳四頁	
日記第九（一九二〇年）	377
附書帳二頁	
日記第十（一九二一年）	401

附書帳二頁

日記十一（一九二二年）..... 432

原稿已失落，據許壽裳手抄片斷補

日記十二（一九二三年）..... 438

附書帳二頁

日記十三（一九二四年）..... 474

附書帳二頁

日記十四（一九二五年）..... 516

附書帳二頁

日記十五（一九二六年）..... 562

附書帳三頁

日記十六（一九二七年）..... 610

附書帳四頁 函牘書鈔二頁

日記十七（一九二八年）..... 660

附書帳十二頁

日記十八（一九二九年）..... 709

附書帳五頁

日記十九（一九三〇年）..... 760

附書帳七頁

日記二十（一九三一年）..... 814

附書帳五頁

日記二十一（一九三二年）..... 860

附書帳五頁

日記二十二（一九三三年）..... 909

附書帳五頁

日記二十三 (一九三四年)	967
附書帳七頁	
日記二十四 (一九三五年)	1038
附書帳五頁 居帳二頁	
日記二十五 (一九三六年)	1103
附書帳四頁	

壬子日記

日記

五月

五日上午十一時舟抵天津。下午三時半車發途中。彌望黃土，間有草木，無可觀覽。約七時抵北京，宿長發店。夜至山會邑館訪許銘伯先生，得《越中先賢祠目》一冊。

六日上午遶入山會邑館。坐騾車赴教育部，即歸。予二弟信。夜臥未半小時，即見蜚蟲三四十，乃臥卓上以避之。

七日夜飲于廣和居。長班爲易牀板，始得睡。

八日致二弟信凡三紙，恐或遺失，遂以快信去。下午得二弟信二日發。夜飲于致美齋，國親作主。

九日夜小雨。微覺發熱，似冒寒也。

十日晨九時至下午四時半，至教育部視事。枯坐終日，極無聊賴。國親遂去。

十一日上午得二弟、信子、三弟信，五日發。午就胡梓方腐午餐。夕董恂士來，張協和亦至，食于廣和居。董君宿于邑館，以卓臥之。

十二日星期休息。晨協和來。午前何燮侯來，午後去。下午與季莠、詩荃、協和至琉璃廠，歷觀古書肆，購傅氏《纂喜廬叢書》一部七本，五元八角。寄二弟信。

十三日午閱報載：紹興于十日兵亂，十一猶未平。不測誠妄，愁絕；欲發電詢之，終不果行。夕與季莠訪燮和于海昌會館。

十四日晨以快信寄二弟，詢越事誠妄。

十五日上午得范愛農信，九日自杭州發。

十六日下午蒯若木來。夕蔡國青來，飯後去。

十七日大雨。宣武門左近積水沒脛，行人極少。予與季市，往返共一騾車。

十八日晴。下午吳一齋來。董恂士、張協和來，與季市俱至廣和居，蔡國親已先在，遂共飯。夜恂士宿季市處。

十九日與恂士、季市游萬生園，又與季市同游陶然亭。其地有造象，刻梵文，寺僧云遼時物，不知誠否。苦望二弟信不得。夜得范愛農信，十三自杭州發。

二十日晨得宋子佩信，十二自越發。上午得童鵬超信，十三自越發，謬極。

二十一日上午顧石臣至部來訪，謝不見。晚散步宣武門外，以銅元十枚，得二花卉冊，一梅，一夫渠，題云：憚冰繪。恐假託也。

二十二日晚顧石臣來，糾纏不已，良久始去。

二十三日晨寄范愛農、宋子佩信。下午得二弟信，十四日發。云望日往申，迎羽太兄弟。又得三弟信，云二弟

婦于十六日下午七時二十分娩一男子，大小均極安
好，可喜！其信十七日發。晚寄二弟信。

二十四日梅君光羲貽佛教會第一、二次報告各一冊。

二十五日下午至琉璃廠，購《李太白集》一部四冊，二元；
《觀無量壽佛經》一冊，三角一分二；《中國名畫》第十
五集一冊，一元五角。

二十六日星期休息。下午同季市、詩荃至觀音寺街青雲閣
啜茗，又游琉璃廠書肆及西河沿勘工場。

二十七日得二弟信，二十一日發。

二十八日晨寄二弟及其夫人信。晚谷青來。

二十九日無事。

卅日得津帖六十元。晚游琉璃廠，購《史略》一部兩冊，八
角；李龍眠白描《九歌圖》一帖十二枚，六角四分；羅
兩峯《鬼趣圖》一部兩冊，兩元五角六分。

卅一日下午寄二弟信。晚得二弟、三弟信，廿六日發。夕
谷清招飲于廣和居，季市亦在坐。

六月

一日下午寄二弟、三弟信。晚同恂士、銘伯、季市飲于廣
和居。

二日星期休息。午後銘伯、季市、詩荃同游萬生園。張協
和、游觀慶來，不值。

三日夜腹痛。收二十七、八日《民興日報》各一分。

四日得范愛農信，三十日杭州發。

五日下午寄二弟信。晚雨有雷，少頃霽。

六日下午雨。得二弟信，三十日發。夜補繪《於越三不朽圖》闕葉三枚。

七日陰。得升叔信，二日九江發。收初一日《民興日報》一分。得杜海生信。

八日晚訪楊莘士于吳興會館。國親來。收五月卅一日《民興報》一分。

九日晨商生契衡來。上午至青雲閣理髮。午後赴琉璃廠，購《四印齋校刻詞》三種一部四冊，一元；善化童氏刻本《沈下賢集》一部二冊，二元五角；《叢輔叢書》本李衛公《會昌一品集》一部六本，二元。得二弟信，三日杭州發。收初二，三《民興報》各一分。夜大雷雨。

十日晨寄二弟信。寄杜海生信。上午得三弟信，初四日發。收四日《民興日報》一分。午後與齊君宗頤赴天津，寓其族人家。夕赴廣和樓考察新劇，則以天陰停演，遂至丹桂園觀舊劇。

十一日上午至日租界加藤洋行，購領結一，六角五分；革履一，五元四角。午後赴天樂園觀舊劇。夜仍至廣和樓觀新劇，僅一齣，曰：《江北水災記》，勇可嘉而識與技均不足；餘皆舊劇，以童子爲之，觀者僅一百卅餘人。

十二日晚自天津返北京。微雨。得二弟及信子信，並六日發。收五日《民興報》一分。

十三日晚小雨。飲于廣和居，國親爲主，同席者銘伯、季

市及俞英崖。收六、七日《民興日報》各一分，有《童話攷究》，起孟作也。

十四日晨寄三弟及二弟婦信。午後與梅君光羲、吳君玉搢赴天壇及先農壇，審其地可作公園不。收八日《民興報》一分。

十五日午寄二弟信。下午得二弟及三弟信，並九日發。收九日《民興日報》一分。

十六日星期休息。上午赴青雲閣購襪子、日傘、牙粉等，共二元六角；又赴琉璃廠，購《龔半千畫冊》一本，八角；陳仁子《文選補遺》、阮刻《列女傳》各一部，共六元。下午寄二弟及三弟信。晚協和、谷青來談。

十七日收十日、十一日《民興報》各一分。大熱。

十八日晨頭痛，與齊壽山閒話良久，始愈。晚雷雨。

十九日舊端午節。收十二日《民興報》一分。夜銘伯、季市招我飲酒。

二十日收十三日《民興日報》一分。

二十一日下午四時至五時赴夏期講演會演說《美術略論》，聽者約三十人，中途退去者五六人。收十四日《民興日報》一分。收共和黨事務所信。

二十二日得二弟信，十五日紹興發。又得升叔信，十六日九江發。收十五、十六日《民興日報》各一分。蔡總長元培于昨日辭職。收共和黨證及徽識。

二十三日星期休息。上午寄三弟信，內附與二弟信一小函。下午董恂士來談，晚飲于廣和居，銘伯亦去，季

市爲主。收十七、十八日《民興日報》各一分。

二十四日無事。

二十五日雨，傍午霽。午後視察國子監及學宮，見古銅器十事及石鼓，文多剝落，其一曾剝以爲白。中國人之于古物，大率爾爾。

二十六日上午太學守者持來石鼓文拓本十枚，元潘迪《音訓》二枚，是新拓者，我以銀一元兩角五分易之。下午得二弟信，二十一日杭州發，內附《童話學究》草藁四枚。收十九、二十日《民興日報》各一分。收全浙公會信，內《全浙公會章程草案》四紙，發起者孫寶瑤、汪立元、王潛、李升培、王葵、王亮等，皆不相識，未知其人如何，擬置不報。

二十七日下午假《庚子日記》二冊讀之，文不雅馴，又多譏奪，皆記“拳匪”事，其舉止思想直無以異于斐澳野人。齊君宗頤及其友某君云皆身歷，幾及于難，因爲陳述，爲之瞿然。某君不知其名氏，似是專門司員也。收二十一日《民興日報》一分。

二十八日午後小雨，旋止。四時赴夏期講演會述《美術略論》，至五時已。收三弟信，二十二日發。收二十二日《民興報》一分。晚復雨旋止。

二十九日晨寄弟信。又寄三弟信。收本月津帖六十元。下午至直隸官書局購《雅雨堂叢書》一部二十冊，十五元；《京畿金石考》一部二冊，八角。得二弟婦信，附芳子信一紙，二十三日發。收二十三日《民興報》一

分。夜飲少許酒。

三十日星期休息。上午謝西園來，云居香鑪營頭條謝宅。

商生契衡亦至，飯于廣和居，午後竝去。收二十四日《民興報》一分。

七月

一日部改上午七時半至十一時半爲理事時間。得二弟信，六月二十六日杭州發。收六月二十五日《民興日報》一分。

二日蔡總長第二次辭職。收協和還金五元。收二十六日《民興報》一分。

三日下午與季市浴于觀音寺街之昇平園，甚適。至琉璃廠，購明袁氏本《世說新語》一部四冊，二元八角，尙不十分剗弊，惜紙劣耳；又《草堂詩餘》一冊，二角，似是《詞學叢書》殘本也。

四日上午寄二弟信。午得陳子英信，二十七日紹興發。又得三弟信竝《近世地理》一冊，二十八日紹興發。收廿七、廿八日《民興報》各一分。

五日大雨。下午四時赴講演會，講員均乞假，聽者亦無一人，遂返。寄三弟信，內附與二弟婦及芳子信一小函。得二弟信，三十日發。夜又大雷雨。

六日雨。晨寄二弟信。午得三弟信，二十九日發。收二十九日《民興日報》一分。晚與季市同飲于廣和居。

七日星期休息。晨得劉楫先信，初一日上虞發。午得二弟信，初一日發。收六月卅、七月一日《民興日報》各一

分。午後協和、谷青來。夜雨。

八日雨。上午得上海通俗教育會信並《通俗教育肇究錄》一冊。

九日晴。下午收二日、三日《民興日報》各一分。臨時教育會議開始。夜小雨。

十日晴。熱。上午九時至十時詣夏期講習會述《美術略論》，聽者約二十餘人。午前赴東交民巷日本郵局寄東京羽太家信竝日銀十圓。下午與季市訪蔡孑民于其寓，不值。夜小雨。

十一日寄三弟信，內附與二弟信一小函，又與二弟婦箋一枚。收小包一，內P.Gaüguin“*Noa Noa*”；W.Wündt“*Einführung in die Psychologie*”各一冊，六月二十七日紹興發。夜讀泉庚所著書，以爲甚美，此外典籍之涉及印象宗者，亦渴欲見之。夜收初四日《民興日報》一分。夜大雨。

十二日晴。下午得二弟信，五日發。又得三弟信，六日發。晚收五日、六日《民興日報》各一分。夜雨。聞臨時教育會議竟刪美育。此種豚犬，可憐可憐！

十三日雨。無事。

十四日晴。星期休息。晨寄二弟及三弟信。上午張協和、楊莘士來。收初七日《民興日報》一分。下午偕銘伯、季市飲于廣和居，甚醉。夜又收初八日《民興日報》一分。

十五日上午至教育會傍聽少頃。下午部員爲蔡總長開會送別。不赴。收初九日《民興日報》一分。

十六日晨收本月分津帖六十圓。收初十日《民興日報》一分。夜雨。

十七日雨。教育部次長范源濂代理總長。上午九時至十時在夏期講〔習〕會述《美術略論》，初止一人，終乃得十人，是日講畢。傍午晴。下午謝西園來談，假去十圓。晚飲于季市之室。

十八日上午收十一日《民興日報》一分。下午大熱，動雷。

十九日晨得二弟信，十二日紹興發，云范愛農以十日水死。悲夫悲夫，君子無終，越之不幸也，於是何幾仲輩爲羣大蠹。午收十二、十三日《民興日報》各一分。

下午與季市訪蔡子民，不遇，遂至董恂士家，與錢稻孫談至晚才返。

二十日上午寄二弟信。又寄陳子英信。收十四日《民興報》一分。下午赴青雲閣購日用什物，又至琉璃廠購黃子久《秋山無盡圖卷》一冊，五角；《夢窗詞》一冊，四角；《老學菴筆記》二冊，八角。晚楊莘士、錢稻孫來，遂同飲于廣和居，季市亦往。夜大雨。

二十一日陰。星期休息。上午雨。胡孟樂來。杜海生來。

下午大雨。蔡谷青來。晚得二弟及三弟信，十五日發。又收十五日《民興報》一分。

二十二日大雨，遂不赴部。晚飲于陳公猛家，爲蔡子民餞別也，此外爲蔡谷青、俞英厓、王叔眉、季市及余。肴饈皆素。夜作均言三章，哀范君也，錄存於此：
風雨飄搖日，余懷范愛農；華顛萎寥落，白眼看雞蟲；